



Cusseglier guvernativ Mario Cavigelli ha gratulà a la giubilara en num da la regenza grischuna.

FOTOS G. N. STGIER



Duas moderaturas da la Televisiun Rumantscha cun l'actual mister Svizra. (da san.) Isabella Wieland, Sandro Cavegn e Victoria Maria Haas.

Gratulantas e gratulants da num e pum

Cuira: Act festiv 50 onns Televisiun Rumantscha

DA GION NUTEGN STGIER / ANR

■ Ina societad illustra è stada da la partida per partir il plaschair dal giubileum da 50 onns Televisiun Rumantscha cun la direziun da RTR e cun collavuraturas e collavuratur. Pleds da gratulaziun è er vegnids da las otras trais interpresas da la SRG SSR. Ils schefs persunalmain, *Mariano Tschuor*, directur da RTR, *Roger de Weck*, directur general da SRG SSR ed *Oscar Knapp*, president da la SRG Svizra Rumantscha, han beneventà cordialmain mintga singul dals passa 300 envidads. En in culp han alura las quatter moderaturas da la Televisiun Rumantscha, *Elin Batista*, *Maria Victoria Haas*, *Ulrica Morell* ed *Isabella Wieland* gudagna la simpatia dal giasts chantunals e naziunals. En moda simpatica han las quatter belas dunnas fatg lur intervistas cun ils quatter directurs da las quatter interpresas da la SRG SSR. Quai vul dir la Televisiun Svizra, quella da la Romandie, la tessinaisa e la rumantscha. *Ruedi Matter*, il directur da SRF, ha schizunt ditg che en il cor saja el in Rumantsch. Quai sajan dentant er blers dals aspectaturs da lingua tudestga che persequiteschian cun interess las emissiuns rumantschas. Ses collega dal la Romandie, *Gilles Marchand*, è cunzunt fascinà da la gronda diversità da las quatter regiuns linguistics en Svizra. La collavuraziun tranter la Televisiun Tessinaisa e la Televisiun Rumantscha, saja gia fitg fritgavla e buna e tuttina fiss en ils proxims 50 onns even-

tualmain pussaivel da fusiunar quellas dus interpresas ha ditg cun in surir, *Dino Balestra*, directur da RSI. Mariano Tschuor, il directur da RTR, ha engrazià a ses collegas per lur auguris e lur gronda bainvulentscha envers la Televisiun Rumantscha. Sco reconuschienscha per la partenanza eccellente ha el surdà a tuts «la clav rumantscha», da la Lia Rumantscha.

In tagli tras l'istorgia da la Televisiun Rumantscha

La punt tranter mintga bloc e las intervistas ha la famiglia Janett fatg cun musica da bellezza e confirmà che la generaziun giuvna è sin buna via da davantar enconuschienscha sco *Domenic Janett* e ses frars. Interessants èn dentant er stads ils videos che han mussà l'istorgia d'in mez tschentaner Televisiun Rumantscha. Tar quels han lura anteriuras moderaturas ed anteriurs moderatur raquintà da lur experienschas avant la camera e quai en ina moda simpatica, divertenta e cun umor. Igl è stà in bloc che ha dà a l'act festiv ina caracter particular. A pled è vegnids *Maria Cadruvi* e *Burtel M. Bezzola*, *Lucia Netzer-Peduzzi* ed *Ernst Denoth*, *Claudia Knapp* ed *Elmar Deflorin* sco er *Tonia Maria Zindel* e *René Spescha*. L'act festiv è i a fin cun in gintar da cuminanza nua che tuts giasts han danovamain pudì far ina bilantscha da 50 onns televisiun rumantscha, quella interpresa che va cun grond entusiassem, plain ideas e visiuns e cun grond tgatsch en il proxim mez tschentaner.



Oscar Knapp, il president da la SRG Svizra Rumantscha, cun la moderatura da radio RTR Alice Bertogg.



Bunamain duas munds èn s'antupads: (da san.) reverenda Luzi Battaglia ed Andreas Caminada, il star cuschinier grischun.



Tranter ils giasts er: (da san.) Armin Caduff, chantadur e cumpost, e spiritual sur Marcus Flury.



Han omadus gronds marets per la Televisiun Rumantscha: (da san.) Giusep Decurtins e Luregn Mathias Cavetty.



Omadus chantaduras da vaglia: (da san.) Corin Curschellas ed Astrid Alexandre.



Deputà Jon Domenic Parolini (san.) ed Ettore Tenchio, il pli vegl giast tar la festa d'anniversari da la Televisiun Rumantscha.



Stadas a la festa da giubileum 50 onns Televisiun Rumantscha èn er: (da san.) Ingrid Deltenre, anteriura directura da «SF» ed Elita Florin-Caluori, anc intgins dis presidenta dal cussegl grond.



Da Mustèr a Cuira è vegni per gratular l'avat Vigeli Monn (san.), qua cun Bernard Cathomas, l'antierur directur da RTR.



In Engiadinais ed ina Sursilvana sco empres moderatur da la Televisiun Rumantscha: Burtel M. Bezzola e Maria Cadruvi.